



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

§. III. Communia Missæ tam Solenni, quàm privatæ Defunctorum.

urn:nbn:de:hbz:466:1-39937

Decreto edito sub Urbano VIII. de celebrat. Missar. quæ videri possunt apud eundem Gav. P. 2. Manual. Episcop. Quod autem paulò antè hòc numero dictum de die Anniversaria, tertia &c, incidentibus in diem Festum impeditum, intelligendum quoque est de alijs Missis Defunctorum certo die dicendis, ut scilicet, eò per Rubricas impeditò, dictò modò transferantur. Gerlac. Vinit.

X. Non sunt amplius admittendæ Foundationes, in quibus Missa pro Defunctis in Festis etiam solemnis legi ordinatur; & sicubi admittæ sunt, erunt corrigendæ, ac Missa pro Defunctis, siquidem talis dici debeat, in aliam diem non impeditam transferenda. Missal. Comm. in. Rubr. General. c. 8. n. 3. & 4. quod Gerlac. Cùm primum habita fuerit Notitia de obitu alicujus Personæ, cantari poterit Missa de Requiem etiam in Festo duplici, quod tamen non sit de præcepto, id est in foro celebre; nam in posteriori hóc casu, prædictam Missam esse differendam, Decretum ajunt à Sac. Rit. Congr.

§. III.

Communia Missæ tam Solemni, quam private Defunctorum.

1. ANTIPHONA: Ne reminiscaris &c, cum Psalmis Præparatorijs ad Pars III. II

Missam, qui extant initio Missalis, & in fine Diurnaliæ, à celebraturo Missam funebrem congruentius omittuntur. Casanova cit. hic n. 1. Quod si dicantur, debet in fine Psalmorum dici Gloria Patri, & Tempore Paschali Antiphonæ illi addi: Alleluja; sicut etiam dici debet Gloria Patri in fine eorumdem Psalmorum Tempore Passionis, exceptò ultimò triduo: quia hujusmodi preces (ut notat noster P. Hippolytus à Portu Vicentin. P. 1. Adnotat. 1. ad Tit. 1. Rubr. 1. Missal. n. 3.) Officium sequantur, non Missam; si tamen hæc Ritu duplici dicatur, tunc quoque Antiphona: Reminiscaris &c ante & post Psalmos præparatorios ad Missam (siquidè hos cum solitis alioquin precibus dicere placeat) debet duplicari ut monet loc. cit. idem P. Hippolyt. à Portu: additque Orationes illas præparatorias ad Missam nullo unquam Tempore dicendas esse à Sacerdote jam Sacris Vestibus parato.

Quodsi prædicti Psalmi cum precibus alijsque diei solitis pro Præparatione Sacerdotis omittantur (uti omnino dici prohibentur ab Episcopo ante Missam Defunctorum in Cæremionali Episcoporum l. 2. c. 11.) non tamen omitti debent oscula Crucis in Amictu, Manipulo, & Stola induendis. Gav. P. 2. Tit. 13.

2. In Missis de Requiem non di

¶¶¶¶¶

di

dicitur unquam Psalmus : *Judica &c.* Versus autem : *Requiem aeternam dona eis &c.* semper dicitur in numero plurali, etiamsi pro uno tantum Missa de Requiem celebretur. *Casanoja n. 2 in Collect. hic.*

3. Ad Introitum Missæ de Requiem non signat se Sacerdos, sed Librum, faciendo super illum manu dextrâ signum Crucis, sinistra interim super Librum posita.

4. Non dicitur Gloria in Excelsis in Missis de Requiem.

5. Oratio unica in Missis de Requiem juxta Arnaudum Tr. I. P. I. Tit. 5. n. 7. dicitur. Quodcumque solemniter pro Defunctis celebratur. 2. juxta Rubricas Missalis recogniti (in Missis etiam privatis) in Commemoratione omnium Fidelium Defunctorum ; in die Obitus seu Depositionis Defuncti, nec non in die Tertio, Septimo, Trigesimo (in quibus dicuntur Orationes prout notantur in fine Missæ de die Depositionis) & in Anniversario ejusdem. Si Anniversarium fiat pro uno dicuntur Orationes illius Missæ in Singulari.

Si Missa de Requiem dicenda sit inter Tertium, & Septimum, vel inter Septimum & Trigesimum diem Depositionis, tunc Missa quotidiana Defuncti non autem una ex supra dictis dici debet.

6. Nunquam nominatur dies quartus, quintus, sextus, nonus, & alij

deinceps intra Trigesimum in Oratione Missæ funebri, & omnis consuetudo contraria est abolenda. *Arnaud. Tr. I. P. I. Tit. 5. n. 9.* Deprecari tamen quid habent Exequies Papales. Vide Gav. To. 1. P. 4. Tit. 18. à n. 9. & Cæremon. Episcop. ubi de Exequijs.

7. Quando plures dicuntur Orationes, puta 2. locò pro hujus aut Matre Sacerdotis, vel pro benefactoribus &c. ultima semper Oratio est, ac debet esse Fidelium, quæquam Generalis pro Omnibus Defunctis, cæteras Collectas Specialissimò locò dicta quodammodo colligat.

8. Oratio pro Patre, aut Matre Sacerdotis, non dicitur pro Patre, aut Matre : quandoque autem dicitur pro eorum obsequio tantum, sive Patre, sive Matre Sacerdotis, semper tamen dicitur in Collecta : *Qui nos Patrem, & Matrem honorare precepisti &c.*

9. In Missis de Requiem nunquam dicitur Oratio seu Collecta pro Vivis, neque etiam talis, quæ in Communis Vivis & Defunctis legitur : per hæc autem non excluditur Oratio illa privata, quæ pro Vivis, quidem his tantum, sub primo momento fit etiam in Missis Defunctorum. Vide P. à Porru P. 1. in Advers. tit. 8. Rubr. 3. num. 5. & num. 6. fol. 86.

10. In die Depositionis

Anniversario Summi Pontificis, imò & die Tertio, Septimo, & Trigesimo à Depositione illius dicitur prima Missa ex ijs, quæ pro Defunctis assignantur in fine Missalis, exceptis Orationib. proprijs, quæ dicuntur, uti notantur post Missam ultimam, seu quotidianam Defunctorum primò locò inter Orationes diversas pro Defunctis. Arnaud. Tr. 1. P. 4. Tit. 18. Pro Defuncto Episcopo pariter dictis diebus dicitur prima Missa ex ijs, quæ assignantur pro Defunctis, exceptis rursus Orationibus, quæ dicuntur, uti notantur vel 7. loc. inter Orationes diversas pro Defunctis. Arnaud. loc. cit. Pro Defuncto Episcopo Cardinale eadem dicitur Missa, quæ pro Episcopo tantum, sed non eadem Orationes, sed propriæ illæ notantur 3. loco inter Orationes diversas pro Defunctis in Missali.

Eadem 1. Missa etiam dicitur dictis diebus juxta cit. Arnaudum pro Defuncto Presbytero Cardinali, item pro Defuncto Diacono Cardinali, utramque cum ijs respectivè Orationibus, quæ in Missal. cit. extant 4. & 5. loco.

Pro Defuncto autem Sacerdote nec Episcopo, nec Cardinale, dicitur in die Depositionis seu Obitus, uti & in die Tertio, Septimo, Trigesimo, ac Anniversario Depositionis illius secunda Missa, adeoque non diversa ab illa, quæ dicitur modò dictis diebus pro Laicis; dicuntur tamen in Missis, quæ dictis diebus

pro Sacerdotibus celebrantur, aliæ Orationes, quàm pro Laicis, nempe illæ, quæ inter Orationes diversas pro Defunctis extant in sæpiùs citat. Missali sexto, vel Octavo loco, sub Tit. Pro Defuncto Sacerdote; neque refert (ut notat Arnaud.) in Orationibus pro Defuncto Episcopo, aut Sacerdote Defuncto dicendæ Missæ non fieri mentionem de die tertio, septimo, trigesimo, & anniversario; nam eadem Oratio, quæ in Obitu Papæ dicitur, dicitur quoque juxta Missale in die Anniversario ejusdem, nulla facta mentione Anniversarij. Vid. Gav. To. 1. P. 4. Tit. 18. & Castald. l. 2. s. 6. c. 5. totò.

Quòd si Missa celebranda sit pro pluribus Sacerdotibus dicuntur Orationes illæ in Numero plurali.

Tametsi in die Obitus, seu Depositionis, nec non Tertio, Septimo, Trigesimo, & Anniversario Defuncti Papæ, aut Cardinalis, aut Episcopi, aut Sacerdotis, die eadem dicatur Oratio, quæ pro ijs dicitur in die Depositionis; in die tamen Tertio, Septimo, ac Trigesimo Depositionis aliorum Defunctorum dicuntur Orationes, prout notantur in fine Missæ secunda Defunctorum ante Missam de Anniversario. Quòd si Anniversarium fiat tantum pro uno, tunc Orationes, quæ in ipsa Missa de Anniversario Defunctorum extant in Missali, dicendæ sunt in Numero Singulari, uti monet Rubricæ, in fine ejusdem

dem Missa. Porro dies Tertius, Septimus, Trigesimus, & Anniversarius Defuncti numerantur à die Obitus, vel à die Depositionis seu sepulture, quâ potiori jure Defunctus subjacet Ecclesiasticæ curæ. Arnaud.

II. Orationes, extra diem Depositionis, hujusque Tertium, Septimum, Trigesimum, ac Anniversarium, dicendæ pro Defunctis nec Sacerdotibus, nec Episcopis, nec Cardinalibus, extant post ultimam Missam Defunctorum in Missali sub Titulo: Orationes diverse pro Defunctis locò nonò, & seqq. ubi Oratio una pro uno Defuncto, item alia pro una Defuncta; præterea Oratio pro Patre, & Matre Sacerdotis (mutanda, ut ibi, si tantum pro Patre, vel matre tantum dicatur) nec non una pro Defunctis Fratribus, Propinquis, & Benefactoribus; & alia pro his, qui in Cæmeterio requiescunt, ac demum duæ pro pluribus Defunctis assignantur.

12. Littera N. in Orationibus pro Defunctis posita exigit Nomen proprium Defuncti, si est Persona Nobilis, vel insignis, vel si sit consuetudo nominandi omnes.

13. Si in Missa pro Defunctis dicendæ sint plures Orationes, tunc, si Missa dicatur pro Sacerdote, primò locò dicenda erit Oratio: Præsta quæsumus; si verò pro alio Defuncto, tunc Oratio: Inclina Domine &c, si pro pluribus, tunc vel Oratio: Animabus &c, vel: DEUS, cui proprium

&c; secunda verò & tertia Oratio in Missis, in quibus dicuntur plures Orationes, semper sunt illæ, quæ secundò, & tertio locò extant in Missa quotidiana Defunctorum: circa quas notandum, quòd Oratio Fidelium semper dicenda sit ultimò locò in hujusmodi Missis Defunctorum, in quibus dicuntur plures Orationes: at verò in alijs Missis, quæ scilicet non sunt de Requiem, semper dicenda sit penultimò locò (nempe quartò, vel Sextò) quando in Missis de Vivis per modum collectæ, in Commemorationis est dicenda, licet etiam in casu, quò simul facta est Commemoratio de occurrente Festo simplici, ut constat ex Distinctione Tit. de Commemorationibus, item ex Distinctis die 1. Septembr. & 7. Octobr. Cæterum, an agram tunc in Festis semiduplicibus possit fieri Commemoratio pro Defunctis per Orationem Fidelium, aut aliam de Defuncto, secundò locò possit fieri, quando alioquin tertia Oratio est ad libitum, nonnulli revocant in dubium apud P. Lohner Instruct. pract. 1. P. 4. Tit. 3. §. 2. n. 4. ob Rationem ibi in Contrarium allatam, verò eam non obstante rectè ibidem Sententiam affirmativam propugnare viderur, cui etiam Communis Suffragatur Praxis; juxta quam, si 3. Oratio est alioquin ad libitum pro 2. ponitur Fidelium, & 3. locò Adversus in ejusmodi Missis. At

Pater

Petes : Quænam, & quo ordine dicendæ sint *Collectæ*, si quis velit Missam privilegiam de Requiem pro omnibus Fidelibus Defunctis extra diem Animarum dicere. Ad hoc Quæsitum Respondet Pflart: cum juxta Rubricas in Missis privatis pro Defunctis per annum dici debeant plures Orationes, ut in Ferijs, & Simplicibus, non videri etiam hoc casu primò locò dicendam Orationem *Fidelium*, sed (salvo meliori) dicendas judicat Orationes Missis privatis assignatas, scilicet; *DEUS, qui inter Apostolicas. DEUS venia largitor.* Deinde 3. *Fidelium DEUS*; vel fortè etiam 1. loco dici posse *Collectam pro Patre, & Matre*, vel aliam similem.

14. *Palais* (quem apud Gobat Tr. 3. n. 717. sequitur *Reding.*) censet: obligatum Sacrum facere pro vivo, satisfacere per *Missam Defunctorum*, Orationes tamen quæ pro Defunctis in ea dicuntur, non debere referri, ad vivum, sed alium Defunctum.

15. *Epistola, & Evangelia* Missarum de *Requiem* juxta Rubricam Missalis extantem in fine Missæ quotidiana pro Defunctis, sunt ad libitum, ita, ut *Epistola, & Evangelia* posita in una Missa pro Defunctis (v. g. in primâ) poni etiam possint in alia Missa pro Defunctis; decet tamen ea dici, prout in Missali sunt distributa. *Casanova in collectan. n. 12.*

][N 3][

16. *Epistola & Evangelium* primæ Missæ Defunctorum dicuntur juxta superius insinuata in Missis pro *Papa, Cardinali, Episcopo, & Prælati*, etiam *Regularium*, *Epistola* verò & *Evangelium* secundæ Missæ Defunctorum Congruentiùs dicuntur in Missis pro Sacerdote inferioris ordinis.

17. *Sequentia: Dies ira &c.* juxta Rubricam novam Missalis dicenda est post Tractum in Missis de *Requiem*; quotiescunque in ejusmodi Missa dicitur tantum unica Oratio, adeoque etiam in *Anniversario Defuncti*: in alijs verò Missis de *Requiem*, in quibus dicuntur plures Orationes, *Sequentia: Dies ira &c.* juxta eandem Rubricam dicitur ad libitum seu arbitrium celebrantis. At verò *Sequentia*, quæ incipit *Audi Tellus &c.* nullibi amplius est usurpanda, etsi alioquin ex Fundatione fuerat dicenda, utpote, *Teste Gerlaco*, severè hodie prohibita, eisque proin substituenda *Sequentia: dies ira, dies illa &c.* in Missis illam requirentibus, vel admittentibus, attamen sine Initio illò, seu prævijs illis Versiculis: *Quid post mortem sim futurus &c.* quos apud *Gavantum To. I. P. 4. Tit. 18. n. 5.* refert *Stephanus Prohystinus.*

18. *Ante Evangelium* dicitur quidem: *munda Cor meum &c.* non tamen petitur *Benedictio per Verba: Jube Domine benedicere &c.* quæ pro-

pro-

proinde in Missis de Requiem sunt omit-
tenda, uti & Osculum Libri in fine
Evangelij cum Verbis: *Per Evange-
lica dicta &c.* alioqui dici solitis. At
verò in Principio Evangelij tam Li-
brum, quàm seipsum pollice dex-
træ manûs signat Sacerdos, ut a-
liàs.

19. In Missis de Requiem
non dicitur *Credo*; neque Minister
osculatur Ampullas, quas celebran-
ti porrigit, neque à Sacerdote be-
nedicitur aqua in Calicem funden-
da; etsi verò omitatur illius Bene-
dictio efformatione Crucis alioqui
feri solita, dicitur tamen nihilo-
minus Oratio: *DEUS, qui humana
substantia &c.*

20. In fine Psalmi *Lavabo*
omittitur *Gloria Patri &c.* neque vice
illius dicitur *Requiem eternam*.

21. In Missis de Requiem sem-
per dicitur Præfatio Communis, seu
ultima, uti & Commune *Communi-
cantes*, & *Hanc igitur Commune*, et-
iam si Missa ejusmodi de Requiem di-
cantur Tempore Paschali, aut *Quadrage-
sime*, vel *Passionis*, aut infra *Octavas*
habentes propriam Præfationem, aut et-
iam *Communicantes*, vel hanc igitur
propriam.

22. Ad *Agnus DEI* (quod in
his Missis dicitur conjunctis ante pe-
ctus, non autem positus super Alca-
re manibus) omittitur Percussio Pe-
ctoris, ac locò verbor: *Miserere no-
bis*, dicitur *dona eis Requiem*, quibus

tertia vice locò verborum: *Do-
na nobis pacem*, additur: *semper
nam.*

23. Quòd si fiat Communio
Populi intra Missam (quod Com-
muniter fieri non oporteret juxta
Gerlac. Vinitorem P. 2. Tit. 10. *Ann.
poster. 21.* & alios) nulla dari debet
Benedictio. *Gavant. To. 1. P. 2. Tit. 11.
n. 1. lit. u.* eò quòd infra Missam non
deretur Benedictio, nisi ab Episcopo
ubi moris est.

24. Dicitur *Agnus DEI* comi-
tatur prima Oratio *Domine JESU Ch-
riste &c.* neque datur Pax in Missa
de Requiem.

25. In fine earundem Mis-
sæ &c. semper dicitur *Requiem
Pace*, non autem: *Requiescat*, sed
pro uno tantum fiat Officium Missæ,
nec illud dicitur versus Populum,
sed versus Altare, facta prius Cru-
ci competente reverentiâ.

26. Non datur Benedictio
in fine Missarum de Requiem, sed di-
citur *Placeat* Celebrans Osculatur Al-
tare, & dicit mox solito Evange-
lium S. Joannis, quod semper di-
citur in fine harum Missarum, in-
stâ prius Cruci competente reveren-
tiâ. *Col. nig.*

27. *Canticum*, & Psalmus post
Missam pro Gratiar. actione dicuntur
cum *Gloria Patri &c.* in hujus fine, ut
aliàs, & siquidem Missa dicta in-
cum una tantum Oratione, adeoque
Ritu duplici, duplicatur Antiphona
Trium

Trium puerorum &c. & Tempore Paschali, additur quoque in ejus fine Alleluja.

28. Qualis dicenda sit Missa celebrantibus in Templo alieno in casu, quò v. g. in Ecclesia Cathedrali, vel Collegiata juxta Romanum, aut etiam proprium Kalendarium factum est Officium de duplici, at verb Regulares quidam, eo die celebrantes Festum aliquod Semiduplex, invitantur, ut eo ipso die Missam celebrent in prædicta Ecclesia, possint ibidem pro Defuncto de Requiem facere; item in casu, quò vicissim certi Regulares celebrant Festum duplex, alij verb apud quos celebrant, solummodo Festum Semiduplex, an, inquam, in tali casu Regulares possint, aut etiam teneantur se conformare Ecclesie, & locò, in quo celebrant, colligere utcumque licebit tum ex ijs, quæ dicta sunt supra Tit. 2. à f. 45. ante fin. tum etiam ex Rubricis ac Decretis hoc, & præcedentibus Tit. adductis.

29. In die Commemorationis omnium Fidelium Defunctorum debent quidem juxta Doctrinam Gavanti (cujus Sententiæ tanquam magis præter Arnaudum, & Gerlacum Vinitorem subscribunt etiam alij, & favere videtur Directorium quoque ipsum Romanum in Annotat. ad diem 2. Novembr. ut ibi dictum) Sacrificia quæcumque applicari omnibus Fidelibus Defunctis ex

Intentione Ecclesie, ac consequenter cessant eo die juxta dictos Scriptores omnes aliæ obligationes diei annexæ pro particularibus Defunctis. At verb alijs ob Rationes non contemnendas, imò in Brevibus, ut vocant Apostolicis, ac Sac. Rit. Congregat. Declaratione fundatas ejusmodi Obligatio sine sufficienti fundamento eò die celebrantibus imponi videtur, præsertim, cum nequidem sit obligatio (per se loquendo) celebrandi illo die. Vide dicta P. II. die 2. Novembr.

30. Prohibitæ sunt à Sac. Rit. Congreg. die 8. April. 1628. ex Missa, quæ Titulum habent: Missa S. Gregorij pro vivis, & Defunctis; non tamen sunt prohibitæ, sed permittæ ab eadem Sac. Rit. Congreg. die 28. Octobris ejusdem anni Missa triginta S. Gregorij Magni, uti supra ex Gav. ostendimus: dici tamen debent (ut ibidem ex ipsomet S. Gregorio l. 4. Dialogor. c. 55. retulimus) per 30. Continuos dies, sive dein ab uno, sive à pluribus successivè Sacerdotibus; recitari quoque debet Missa de Requiem diebus illis, quibus Missa votiva privata non prohibentur, alioqui Missa de die, aut Festo corrente: tamen autem 30. hæc Missæ Gregorianæ fieri debeant 30. Continuis diebus (intellige remotâ superstitione, de qua Tridentin. Sess. 22. in Decr. de observand. & evitand. in celebr. Missar.) non tamen discon-

discontinuantur per ultimum Tri-
duum majoris Hebdomadæ, si in-
tra eos 30. dies occurrat Parasceve
cum Sabbato Sancto, imò etiam
Feria V. Cœnæ Domini: eò quòd
Ecclesia prohibeat celebrationem o-
mnis Missæ in Parasceve, privata-
rum autem in Sabbato Sancto, & de-
nique Feriâ V. Cœnæ Domini imperet
Communionem Sacerdotum in unica
Missâ solenni. Compensandus tam-
en postmodum est numerus Missarum
omissarum illò triduo, & num-
erus 30. Missarum eò elapsò im-
mediatè complendus: ijtamen, qui
celebrârunt in Feriâ V. & Sabbato il-
lius Tridui (cantando v. g. tunc
Missam solennem) non nisi solum
diem Parasceves (in quo nullum fit
propriè sacrificium) tenentur com-
pensare. Quòd si infra Tempus ce-
lebrandis 30. illis Missis destinatum
occurrat Natalis Domini, sufficit eo
die unam tantum Missam Titulo
missarum S. Gregorij pro defuncto
facere, alias autem duas (siquidem
ter placeat sacrificare) licebit die il-
lo facere pro quibus lubuerit. Ca-
sano a n. 72. & 74. Atque hæc de
30. Missis propriè Gregorianis. Quòd
si 30. Missæ uno die dicantur, vel
totidem pluribus discontinuatis diebus
pro aliquo Defuncto, proderunt huic
quidem, sed non ex Institutione S.
Gregorij M. de qua in ejus Dialogis
loc. cit. ut notat Gav. To. I. P. I.
tit. 5. n. 3. lit. d. ac ex eo Casano-
y a n. 73.

31. De Missis tam de
quiem, quàm etiam alijs (quibus
prios prohibentur) ad Altare privile-
giatum, ut vocant, dicendis vide
P. Gob. Tr. 3. cas. 19. à n. 637. &
640. ubi describitur Forma Brevis
dari soliti perentibus Altare privile-
giatum, & singulæ ejus Clausulæ de-
clarantur; item P. La Croix To.
6. l. 6. P. 2. à n. 518. & 525. ubi
Propositò, ac discusso dubio in Sac.
Congregatione Indulgentijs & Sim.
Reliquijs præposita: An accensio-
bis, quæ in Brevibus Indulgentijs
apponi solent (nempe his: *Præ-
stibus ad Septennium tantum valentibus
septennium à die Publicationis, aut
à die Gratiæ Concessæ Romæ (in quor-
dam putabant) sit incipienda*
Sac. Congregationem die 18. May
1711. declarasse, non à die publica-
tis (quam juxta Trident. Sess. 21.
c. 9. de Reform. præcedere debet
Approbatio, seu Recognitio Episcopij)
sed à Die datæ Brevis Tempus
septennij incipere. Possè autem o-
mnibus diebus, quibus juxta Ru-
bricas Missæ Defunctorum celebrari
non possunt, etiam per Missam de
die corrente, ad Altare privilegiatum
celebratam, obtineri Indulgentias
Animabus Purgatorij de Sedis Apo-
stolicæ Concessione applicabiles,
constat ex confirmatione Decreti
circa Altaria privilegiata perpetua sub
Alexand. VII. nec non circa Altaria
privilegiata quoque Temporeas, sub
Clem.

Clem. IX. editis facta ab Innocent. XI. 1688. die 4. Maij. supra citat. Porro sub Generali Indulgentiarum suspensione, quæ fit annò Jubilæi, non comprehendi Indulgentias Altarium privilegiatorum, nec alias Indulgentias pro solis Defunctis concessas tradunt aliqui, sed hæc in parte attendendus erit Tenor Bullæ Jubilæi, illique standum; in dubio autem ad Sedem Apostolicam pro Declaratione recurendum. Denique tradunt quoque Nonnulli, declarationem esse à Sac. Rit. Congr. Clausulâ illâ Brevibus Indulgentiarum apponi solitâ: *Volumus autem, ut, si alias Christi Fidelibus, dictam Ecclesiam visitantibus, aliqua alia Indulgentia permissa, vel ad Tempus nondum elapsum concessa fuerit, presentes litteræ nullæ sint, non comprehendi Indulgentias Altarium privilegiatorum pro Defunctis concessas: an autem hæc Declaratio authentica sit, nec ne, mihi hætenus non constat.*

§. IV.

Propria Missarum Privatarum pro Defunctis.

1. **C**onvenit, ut prima die cujuscunque Mensis (extra Adventum, Quadragesimam, ac Tempus Paschale) non impedita Offi-

ciò duplici, vel semiduplici, fiat saltem Commemoratio Generalis pro Defunctis per Orationem: *Fidelium* in Missis privatis de Fests simplicibus, aut Feriâ dictis; item in *Ferijs secundis* respectivè (extra Tempus tamen Quadragesimale, & Paschale) in quibus non fit *Officium duplex*, vel *semiduplex*, modò supra declaratò juxta Rubric. *Gen. V. Missal. n. 1. & 2.*

2. *Missæ privata de Requiem* dici possunt quacunque die, præterquam in *Dominicis*, ac *diebus* supra à Rubricis & Summis Pontificibus exceptis, in quibus etiam presente Corpore, seu funere, dici prohibentur etiam ad Altare privilegiatum, ut ibi: *In Festo tamen duplici, quod non est de Præcepto (hoc est, celebre in foro) posse aliquando celebrari Missas de Requiem, ut impleantur voluntates Defunctorum, olim declaravit Sac. Rit. Congreg. die 1. Septembr. 1617. & 20. Jun. 1626. apud Casanovam n. 68. ubi tamen rectè advertit, Sacram Congregationem fingenter dicere: ut impleantur voluntates Defunctorum, non verò: Ad arbitrium vivorum: Neque Tolerantia (inquit idem ibidem) fieri Lex debet, aut Consuetudo nimia contra Leges Ecclesiasticas; nec denique Voluntas Missam celebrari Petentis Legi, ac Ordinationi Ecclesiastica prevalere, sed Institutioni Ecclesie conformari, ut Petitio ejus, ac Devotio sit rationabilis, atque conveniens.*

¶ Pars III. ¶

¶ O o ¶

3. Si